

Comun: **dala Comunità Comprensoriala de Puster el gnü lamentanzes** ch'al vëgn despartí dër mal i materiala da reziclé (papier, cartun, bossi de metal y spidl). Cis por le spidl vëgnel racomanè ch'al pó gnü sciurè tles bënes ma bozes de spidl, goti de spidl y bozes de spidl dal parföm y nia d'ater.

Le dotur Eduard Agreiter é demez dai 13 ai 24 de messé y vëgn sostituì dala doturia Mahlknecht (0474 523 018 – 349 06 67 034).

PLOANIES SAN MARTIN Y LUNGIARÜ

Siur ploan Iaco Ploner é demez cina en dedolönesc, ai 28 de messé, y vëgn sostituì da pater Fidelis Pezzei: 340 96 34 800 / 0474 590 133.

Festa de **Sant'Ana y de San Iachin sö La Crusc** en sabeda ai 25 de messé: dales 7.30 prozesciun da San Linert y dales 9.30 Mëssa y prozesciun eucaristica.

Döta la popolaziun dla valada é inviada ala **festa de 30 agn dla Ciasa de Palsa nòia** a San Martin, en domènia, ai 26 de messé: dales 10.00 Gran Mëssa ite dala Ciasa de Palsa y dedò aperitif ofrì dala Uniun dles Patrones da San Martin.

Le Sorvisc ai Jogn: en lönesc ai 20 de messé mët man le **curs de modelism por düc jogn y jones dla scora mesana** che s'á scrit ite tl sadium dala dlacia a Corvara y va innant cina en vendres ai 24 de messé dales 13.30 ales 17.30. Info 0474 523 070.

Le KVV da San Martin organisëia en dedolönesc, ai 21 de messé n pice iade cun le bus y a pe tla Val de Braies. I piun ia dala burcia dales 7.50 cun le bus por rovè söla Plätzwiese y jí spo a pe cina dala ütia Dürrenstein a marèna. I podëis ince se tó do val' da mangé alaleria. Por informaziuns telefonè a Ludwig 0474 520 043.

Conzert dla Musiga da S. Martin, en vëndres ai 24 de messé, söl paiun, dales 21.00.

En sabeda, ai 25 de messé, tl ciamp dl sport Pradel é le **Tornê Triangolar** de beneficiënza cun la Nazionale Taliana di Parlamentars, la Nazionale Taliana di Magistrac y la Squadra di Ombolc de Südtirol: 16.00 pröma partida; 17.00 secunda partida; 18.30 terza partida. Dales 19.00 premiaziun y consëgna dl'assëgn a «La Spona» da Pidrò. L'Uniun dl Sport y le Comun da San Martin inviëia düc canc a fá „tifo“

Festa dles Musighes dla Val Badia a Pidrò l'atra sabeda y domènia ai 25 y 26/07 sabeda: dales 19.00 Böhmsche da La Val y dales 21.00 Blechblos'n, domènia: 9.00 mëssa, 10.00 discurs; 11.30 defilada, 12.30 show musiga di jogn, 13.00 - 18.00 conzerc dles musighes, 18.30 Südtiroler Gaudimusikanten.

Tl **Atelier te Bosch de Irina Tavella** a Al Plan Dessora 36: dal lönesc ai 27/07 al dedemesaledema 29/07 trëi dis de ert y aventöra por mituns dai 8 ai 12 agn cun Max Castlunger, Cristina Cau y Irina Tavella (percusiun, balé, ciante y lauré cun arjila) I cursc mët man dales 10.00 y röia dales 15.00. Prenotaziun 339 85 57 964.

La mostra tl Museum de Tor “1914–1918. I Ladins cunta sua storia” é da odèi dai 18 de messé dl 2015 fina ai 26 de jügn dl 2016 ti orars de daurida dl museum.

Le patronat dl sindacat CISL (che pîta le sorvisc dla detlaraziun EEVE/DURP) tl raiun sozial a Picolin é slüt y deura indò dal 1 de setëmber inant vigni dedolönesc.

Sc'i storjessun pro n iade o dui al'edema te dljia, podessun ti jí do al invit de Gejú de dé tria, s'archité y palsé, de se dé jö en pesc n iade cun nos instësc y ascuté ci che nosc daite adora. I essun tröp da davagné, mo i podessun ince s'injomé ia tröp.

Dedolönesc 21/07: **Liëndes pur pici y gragn** cuntades da Simon Kostner a Antermëia dales 14.15 sön la plaza de dljia. Düc e der bel invia!

Dedemesaledema 22/07, dales 21.00. Conzert de „**Antervoicis**“ tl parch di jüc a n'Antermëia; da bur' tēmp dl salf dl paisc.



internet: www.valbadiaonline.com

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

19.07.- 26.07.2015 nr. 34

termo da publiché: jöbia 20.00

radio: 90,40 / 93,70




15^a DOMÈNIA IA POR L'ANN B

Vangele: Merch 6,30-34

Gejú ti á dit: Gnide te n post sorènt, olach'i sun susc, y palsede fora n pü'. Deach'ai n'â gnanca plü tēmp da mangé, tan tröpa jënt èl che gnò y che jò. Insciö ési jüs cun la barca te n post sorènt, por ester susc.

Mo an i â odü jon demez
y tröc â capì te ci vers, y da dotes
les citës saltâ a pé te chël post
y rovâ dailò ciàmò dan da d'èi.
Canch'al è gnü fora de barca
y odô le gröm de jënt,
â Gejú compasciun impara;
deach'ai è sciöche bisces
che n'â degun famëi.
Y al i à istruì de vigni vers.



Gejú ne va nia cun sü discepuì te n post dalunc dala jënt, a baié y a dé cunt de sciöch'ara ti é jüda da jí a pordiché y ci suzes ch'ai á albü, mo a palsé. L'invit de Gejú de dé tria ó nes daidé da s'archité y palsé, da se dé jö n iade tla pesc cun nos instësc y ascuté ci che nosc daite adora. Dessigü podunse s'alegré por ci ch'i sun bugn da fá y ci che nes garetà, mo chësc n'é nia ci che cunta.

Le chestian ne devënta nia important cun ci che èl fej y ti garetà. Le chestian é important, deache èl é, na persona particolare, che á ciafé súa vita sciöche scincunda da Chël Bel Dî.

Y al é debojëgn ch'an pois sintí chësc tla vita, zënza tigní cunt de ci ch'an sá y é bugn da fá.

Mo sciöch'ara ti jô a Gjeú nes vara ince a nos: Chël Bel Dî incrujëia tres indò, feter vigni dé, nüsc proponimënc y nüsc trus cun porsones ch'al nes mëna detravers, cun chères ch'al foss bun da se dé jö.

	SAN MARTIN		LUNGIARÜ
19.07.15 16^a Domënia ia por l'ann B	9.00 Corona 9.30 Gran Mëssa por la comunité (<i>pater Fidelis</i>) cun benedisciun dl tëmp	19.07.15 Domënia	7.55 Corona 8.15 Gran Mëssa por la comunité (<i>pater Fidelis</i>) cun benedisciun dl tëmp 15.00 Corona tla capela de S. Ujöp Freindemetz
20.07.15 Lönesc <i>Margareta, Bornert, Aaron</i>		20.07.15 Lönesc	19.30 Mëssa (<i>pater Fidelis</i>) familia Sepl Clara, Somví
21.07.15 Dedolönesc <i>Laurënz da Brindisi, Daniel</i>	19.30 Mëssa (<i>pater Fidelis</i>) + Monica Zingerle (aniv.) + + Pedevilla	21.07.15 Mertesc	
22.07.15 Dedemesaledema <i>Maria Magdalena, Verena</i>		22.07.15 Mercui	7.30 Mëssa (<i>pater Fidelis</i>) + Davide Daporta + Paul Mischi, da Miscí
23.07.15 Jöbia <i>Brigitta dla Svezia</i>	7.30 Mëssa (<i>pater Fidelis</i>) + don Giancarlo Bertagnolli + don Angelo Complojer + Relinde Prousch Corona por vocaziuns	23.07.15 Jöbia	
24.07.15 Vëndres <i>Cristofe, Charbel Mahluf, Cristina</i>	19.00 Adoraziun chîta 19.30 Devoziun eucaristica	24.07.15 Vëndres	7.30 Mëssa (<i>pater Fidelis</i>) en onú de San Cristofe + Angela Costa
25.07.15 Sabeda <i>San Iaco apostul, Tea, Tomesc</i> <i>Festa de SS. Ana y Iachin sô La Crusc</i>	15.30 Mëssa tla Ciasa de Palsa 18.30 Mëssa prefestia (<i>pater Fidelis</i>) vis y ++ Ferdigg, Burchia, Pescosta + + Castlunger Roder + Malia Erlacher	25.07.15 Sabeda	20.00 Mëssa prefestia (<i>pater Fidelis</i>) Uniun di Stödafüch Lungiarü aniv. Emma Clara, Col + + + Sepl, Tarejia, Iaco Dejaco
26.07.15 17^a Domënia ia por l'ann <i>Oferta de San Cristoforus</i>	10.00 <u>Gran Mëssa tla Ciasa de Palsa</u> (<i>pater Fidelis</i>) festa 30 agn Ciasa de Palsa nōia a San Martin	26.07.15 Domënia	7.55 Corona 8.15 Gran Mëssa por la comunité (<i>pater Fidelis</i>) cun benedisciun dl tëmp 15.00 Corona tla capela de S. Ujöp Freinademetz